



COMUNE DE MONTELEONE

Provìntzia de Tàtari

Deliberatzione de sa Giunta Comunale

N° 42 de su 09.11.2020

OGETU : Servìtziu infermierìsticu prelievos de sàmbene a domitzìliu. Determinatzione custos e tarifas de contributzione utèntzia annu 2020.

S'annu duamìgia binti, sa die noe de su mese de Santandria, in Monteleone, in sa sala de sas Adunàntzias, a sas **11:30**, s'est reunida sa Giunta Comunale.

Fatu s'apellu resurtant:

MASALA ANTONELLO	SÌNDIGU	P
SOTGIA DANIELA	ASSESSORA	P
GONNELLA SILVIA	ASSESSORA	P
MANAI GIOVANNI BATTISTA	ASSESSORE	A

Presentes n. 3 totale ausentes n. 1

Partetzipat a sa setziada su **SEGRETÀRIU COMUNALE** Silvia Sonnu, cun funtziones consultivas, referentes, de assistèntzia e verbalizatzione.

SU SÌNDIGU ANTONELLO MASALA, in sa calidade sua de presidente, averiguadu su nùmeru legale de sos interbènnidos, de crarat aberta sa setziada e invitat sos cumbènnidos a deliberare subra de s'ogetu subra indicadu.

Servìtziu infermierìsticu prelievos de sàmbene a domitzìliu. Determinatzione custos e tarifas de contribuzione utèntzia annu 2020.

SA GIUNTA COMUNALE

Premìtidu chi custu Comune at una populatzione antziana, cun un'inditze de betsesa tra sos prus artos de sa Sardigna e presentat discumbènios particulares in tèrmines de cullegamentos cun sos tzentros urbanos printzipales de Tàtari e de S'Alighera, in ue bi sunt sos presìdios sanitàrios;

Cunsideradu chi cun frequèntzia de prus bortas a sa chida diversos tzitadinos antzianos e/o pessones no autosufitzientes divent fàghere sos prelievos de sàmbene pro sas terapias anticoagulantes e chi pro sos matessi diat a resurtare impossibile gestire a manera autònoma sos ispostamentos a in foras de su Comune;

Valutadu chi pro satisfàghere custu bisòngiu sotziale de una fàscia debìle de sa populatzione, si intendet sighire cun su servìtziu infermierìsticu a domitzìliu, chi at a cunsentire, pro cussu, de alleviare sos utentes de unu discumbèniu grae;

Bida sa lege regionale 23 de nadale de su 2005, n. 23, rubricada "Sistema integradu de sos servìtzios a sa pessone. Abrogatzione de sa lege regionale n. 4 de su 1988. Riòrdinu de sas funtziones sòtziu-assistentziales" e in particolare s'art. 27, chi cuntenit (Cumpartetzipatzione de sos destinatàrios de sos interventos a s'ispesa", in cunforma a sa cale sos sugetos destinatàrios de sos servìtzios e de sos interventos sotziales partetzipant a s'ispesa sustènnida pro s'erogatzione de sos interventos prevididos dae su programma personalizadu segundu critèrios de solidariedade e de progressividade, mentres sunt esclùdidos dae sa cumpartetzipatzione a s'ispesa sos sugetos cun positiones econòmicas inferiores a unu lìmite mìnimu determinadu dae sa Regione;

Dadu atu chi in cunforma a sos artìculos 2 e 9 de su D.P.G.R. n. 12/1989, gasi comente modificados dae su D.P.G.R. n. 145/1990 sa revalutatzione de su mìnimu vitale benit determinada ogni annu subra de base de s'aumentu de su costu de sa vida e de sos ìndices ISTAT dae sa Direzione Generale de sas Políticas Sotziles;

Dadu atu chi su costu ànnuu de su servìtziu, de affidare a unu operadore econòmicu, tentu contu de sos datos istòricos, no at a èssere superiore a € 2.000,00, a su cale s'at a pòdere fàghere fronte cun istantziamentos de bilàntziu e una cuota de contribuzione de sos utentes;

Achisidos sos parres favorèvoles dados in cunforma a s'art. 49 de su d.lgs. n. 267/2000 e mm.ii.ii., cun votatzione de acordu favorèvole de sos presentes.

Cun votu de acordu

DELÌBERAT

De Cunfirmare su servìtziu infermierìsticu de prelievos de sàmbene a domitzìliu puru pro s'annu 2020, a favore de sas pessones antzianas e/o no autosufitzientes residentes in su comune de Monteleone;

De Dare atu chi s'ispesa complessiva de providire in su Bilàntziu de previsionone de su 2020 at a èssere de € 2.000,00;

De Cunfirmare chi ogni utente at dèvere contribuire in sa misura de su 5%;

De Incarrigare s'ufitziu de sos servìtzios sotziales pro sos acumprimentos cunsighentes.

Cun votazione separada e de acordu favorèvole de sos presentes;

DELÌBERAT, IN PRUS

S'executabilidade immediata de su provedimentu in cunforma a s'art. 134 comma 4 de su D.lgs. n. 267/2000 e mm.ii.ii.

IN ÒRDINE A SA REGULARIDADE TÈCNICA si esprimìt parre Favorèvole

Su Responsabile

F.du Rosanna Baldinu

SU PRESIDENTE

F.du Antonello Masala

SU SEGRETÀRIU COMUNALE

F.du Silvia Sonnu

Tzertifico chi còpia cunforme de su verbale presente benit publicada dae su 25/11/2020 pro 15 dies a fila in su situ istituzionale de custu Comune cun progressivu de publicatzione n. **427**, atzessibile a su pùblicu (Art. 124 de su T.U.E.EL. e art. 32, comma 1, de sa lege 18 de làmpadas de su 2009, n. 69).

SU

F.du Rosanna Baldinu

Sa deliberatzione presente est divènnida esecutiva:

- Pro declaratzione de esecutabilidade immediata (Art. 134, comma 4, de su T.U.E.L.).
 Pro decursu de sas deghe dies dae sa publicatzione (Art. 134, comma 3, de su T.U.E.L.).

Su Responsabile de sa Publicatzione

F.du

Monteleone, 25/11/2020

Traduzione de s'operadora de s'isportellu linguisticu de Monteleone

Maria Leonarda Correddu